



Broj: 02-05-32196-4/17
Sarajevo, 02.11.2017. godine

PRIMLJENO: 14 -11- 2017			
Organizaciona jedinica	Služba za zapošljavanje	Redni broj	Broj priloga
01/01	34-2584-NF		

14.11.2017
Služba za
zapošljavanje
Ime i Prezime

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 – Novi prečišćeni tekst i 37/14 - Ispravka) i člana 4. Zakona o posredovanju u zapošljavanju i socijalnoj sigurnosti nezaposlenih osoba ("Službene novine Kantona Sarajevo", broj: 4/04, 29/09 i 18/13), Vlada Kantona Sarajevo na 101. sjednici održanoj **02.11.2017.** godine, donijela je slijedeći

ZAKLJUČAK

1. Utvrđuje se Program o izmjenama i dopunama Programa mjera za podsticaj zapošljavanja i održavanja više stope zaposlenosti u Kantonu Sarajevo u 2017. godini, koji je sastavni dio ovog Zaključka.
2. Za realizaciju Programa iz tačke 1. ovog Zaključka zadužuje se Ministarstvo za rad, socijalnu politiku, raseljena lica i izbjeglice Kantona Sarajevo i Javna ustanova „Služba za zapošljavanje Kantona Sarajevo“ Sarajevo



Dostaviti:

1. Predsjedavajuća Skupštine Kantona Sarajevo
2. Premijer Kantona Sarajevo
3. Ministarstvo za rad, socijalnu politiku, raseljena lica i izbjeglice Kantona Sarajevo
4. Ministarstvo privrede Kantona Sarajevo
5. JU „Služba za zapošljavanje Kantona Sarajevo“ Sarajevo (putem Ministarstva za rad, socijalnu politiku raseljena lica i izbjeglice Kantona Sarajevo)
6. Evidencija
7. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





Broj: 02-05-32196-4.1/17
 Sarajevo, 02.11.2017. godine

Na osnovu člana 4. stav (1), a u vezi članom 9. i 10. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", broj: 4/04, 29/09 i 18/13), a na zajednički prijedlog Ministarstva za rad, socijalnu politiku, raseljena lica i izbjeglice Kantona Sarajevo, Ministarstva privrede Kantona Sarajevo i Javne ustanove "Služba za zapošljavanje Kantona Sarajevo" Sarajevo, Vlada Kantona Sarajevo na **101.** sjednici održanoj **02.11.2017.** godine, donijela je

PROGRAM

o izmjenama i dopunama Programa mjera za podsticaj zapošljavanja i održavanja više stope zaposlenosti u Kantonu Sarajevo u 2017. godini

Član 1.

U Programu mjera za podsticaj zapošljavanja i održavanja više stope zaposlenosti u Kantonu Sarajevo u 2017. godini broj: 02-05-20150-13.1/17, utvrđen Zaključkom Vlade Kantona Sarajevo broj: 02-05-20150-13/17 od 02.06.2017. godine, u članu 2. iza tačke 5, dodaju se nove tačke 6., 7., 8., 9., i 10., koje glase:

- „6. Program sufinansiranja zapošljavanja pripravnika sa stečenom diplomom visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja, pravne struke;
- 7. Program sufinansiranja zapošljavanja osoba osposobljenih za rad na prevenciji maloljetničke delikvencije i/ili za rad sa djecom sa posebnim potrebama;
- 8. Program sufinansiranja zapošljavanja „Zlatna značka“;
- 9. Program finansiranja i sufinansiranja zapošljavanja osoba sa invaliditetom;
- 10. Program obuke nezaposlenih osoba za samozapošljavanje;“

Član 2.

Član 3. mijenja se i glasi:

„Član 3.

Finansijska sredstva koja se utvrđuju za realizaciju Programa iznose 3.196.000,00 KM i obezbjeđuju se u skladu sa finansijskim planovima prihoda i izdataka JU "Služba za zapošljavanje Kantona Sarajevo" Sarajevo za 2017. godinu, a raspoređuju se na slijedeći način:

a) Programi u realizaciji:

1. Program javnih radova – 428.742,00 KM za 300 nezaposlenih osoba;

2. Program sufinansiranja zapošljavanja pripravnika VSS, VŠS, SSS i KV stručne spreme kod poslodavaca sa većinskim privatnim vlasništvom – 594.000,00 KM za 100 pripravnika i to: 70 VSS i VŠS i 30 SSS i KV stručne spreme;
3. Program finansiranja zapošljavanja pripravnika VSS, VŠS, SSS i KV stručne spreme u javnom sektoru – 308.000,00 KM za 52 pripravnika i to: 36 VSS i VŠS i 16 SSS i KV stručne spreme;
4. Program obuke za socijalno osjetljive kategorije nezaposlenih osoba – 5.850,00 KM za 13 nezaposlenih osoba iz ciljne skupine;
5. Klub za traženje posla – 12.000,00 KM za 1000 polaznika;

b) Novi programi:

1. Program sufinansiranja zapošljavanja pripravnika sa stečenom diplomom visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja, pravne struke - 360.000,00 KM za 25 nezaposlenih osoba iz ciljne skupine;
2. Program sufinansiranja zapošljavanja osoba osposobljenih za rad na prevenciji maloljetničke delikvencije i/ili za rad sa djecom sa posebnim potrebama – 1.008.000,00 KM za 105 nezaposlenih osoba iz ciljne skupine;
3. Program sufinansiranja zapošljavanja „Zlatna značka“ – 312.000,00 KM za 20 nezaposlenih osoba iz ciljne skupine;
4. Program finansiranja i sufinansiranja zapošljavanja osoba sa invaliditetom – 149.558,00 KM za najmanje 12 nezaposlenih osoba iz ciljne skupine;
5. Program obuke nezaposlenih osoba za samozapošljavanje – 17.850,00 KM za 30 nezaposlenih osoba;“

Član 3.

Član 5. stav (12) mijenja se i glasi:

„Vrednovanje aplikacija se vrši na osnovu utvrđenih kriterija u ovom članu i utvrđuje se prijedlog liste poslodavaca za učešće u Programu zapošljavanja pripravnika. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu zapošljavanja pripravnika su prihvaćene i eventualne anexe ugovora.“

Član 4.

Član 6. stav (3) mijenja se i glasi:

„Služba će poslodavcima koji budu obuhvaćeni ovim programom, mjesečno i to: 12 mjeseci za VSS i VŠS i 6 mjeseci za SSS i KV stručnu spremu, refundirati sredstva u ukupnom iznosu od 600,00 KM za VSS i VŠS i 500,00 KM za SSS i KV stručnu spremu, po pripravniku, za dio isplate plaće i uplatu zakonom propisanih poreza i doprinosa. Svi drugi eventualni troškovi padaju na teret poslodavca.“

Član 5.

U članu 6. stav (6) tačka 3., briše se.

Član 6.

Član 6. stav (12) mijenja se i glasi:

„Vrednovanje aplikacija se vrši na osnovu utvrđenih kriterija u ovom članu i utvrđuje se prijedlog liste poslodavaca za učešće u Programu zapošljavanja pripravnika. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu zapošljavanja pripravnika su prihvaćene i eventualne anexe ugovora.“

Član 7.

Iza člana 8. dodaju se članovi 8a., 8b., 8c., 8d., 8e., i glase:

„Član 8a.

PROGRAM SUFINANSIRANJA ZAPOŠLJAVANJA PRIPRAVNIKA SA STEČENOM DIPLOMOM VISOKOG OBRAZOVANJA ILI DRUGE OBRAZOVNE ILI AKADEMSKE KVALIFIKACIJE NAJMANJE VII STEPENA STRUČNE SPREME, ODNOSNO VISOKO OBRAZOVANJE PRVOG CIKLUSA BOLONJSKOG SISTEMA STUDIRANJA KOJI SE VREDNUJE SA 240 ECTS STUDIJSKIH BODOVA ILI DRUGOG ILI TREĆEG CIKLUSA BOLONJSKOG SISTEMA STUDIRANJA, PRAVNE STRUKE

- (1) Program sufinansiranja zapošljavanja pripravnika sa stečenom diplomom visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja, pravne struke (u daljem tekstu: Program zapošljavanja diplomiranih pravnika) realizuje se zapošljavanjem pripravnika iz navedene ciljne skupine bez radnog iskustva u struci, prijavljenih na evidenciju nezaposlenih Službe prije objavljivanja javnog poziva za ovaj program, radi sticanja uslova za polaganje pravosudnog ispita.
- (2) Cilj Programa zapošljavanja diplomiranih pravnika je obezbjeđenje potrebne kvalifikacione strukture radne snage i stvaranje uslova za kasnije samozapošljavanje.
- (3) Pravo učešća u Programu zapošljavanja diplomiranih pravnika imaju Općinski sud u Sarajevu, Kantonalni sud u Sarajevu, Pravobranilaštvo Kantona Sarajevo i Kantonalno tužilaštvo Kantona Sarajevo.
- (4) Služba će poslodavcima koji budu obuhvaćeni ovim programom, mjesečno, 24 mjeseca, refundirati sredstva u ukupnom iznosu od 600,00 KM, po novouposlenoj osobi, za dio isplate plaća i uplatu zakonom propisanih poreza i doprinosa, a svi drugi eventualni troškovi padaju na teret poslodavca.
- (5) Poslodavci koji žele učestvovati u Program zapošljavanja pravnika dužni su:
 1. podnijeti aplikaciju u roku predviđenom u javnom pozivu,
 2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa

listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korisnik šifra budžetskog korisnika), sve u originalu ili ovjerenj fotografiji.

- (6) Poslodavci koji redovno ne izmiruju obaveze uplate javnih prihoda ne mogu učestvovati u Programu zapošljavanja pripravnika diplomiranih pravnik, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru, kao ni poslodavci koji nemaju radnika prijavljenih na penzijsko-invalidsko osiguranje.
- (7) Kriteriji za vrednovanje aplikacija su:
 1. poslodavci koji su u prethodne tri godine zadržali sufinansiranu osobu/e u radnom odnosu po isteku perioda sufinansiranja – 2 boda;
 2. poslodavci koji trenutno nisu korisnici programa sufinansiranja zapošljavanja koje finansira Vlada Federacije Bosne i Hercegovine, Federalni zavod za zapošljavanje i Služba – 2 boda;
 3. poslodavci koji u prethodne tri godine nisu bili korisnici programa sufinansiranja zapošljavanja koje finansira Vlada Federacije Bosne i Hercegovine, Federalni zavod za zapošljavanje i Službe – 4 boda;
 4. poslodavci koji su osnovani u 2017.godini: 2 boda, ostali poslodavci 1 bod;
- (8) Kod istog broja bodova prednost se daje poslodavcu koji je prije podnio aplikaciju za učešće u ovom programu.
- (9) Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika.
- (10) Izuzetno, odredba stava (9) ovog člana, ne odnosi se na poslodavce pravosudne institucije, tužilaštva i pravobranilaštva.
- (11) Nezaposlene osobe koje žele da učestvuju u Programu zapošljavanja diplomiranih pravnik, moraju biti prijavljene na evidenciju nezaposlenih Službe, prije objave javnog poziva za Programu zapošljavanja diplomiranih pravnik i dalje, sve do potpisivanja ugovora o radu sa poslodavcem kojem su odobrena sredstva po Programu zapošljavanja diplomiranih pravnik.
- (12) Vrednovanje aplikacija se vrši na osnovu utvrđenih kriterija u ovom članu i utvrđuje se prijedlog liste poslodavaca za učešće u Programu zapošljavanja diplomiranih pravnik. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu zapošljavanja diplomiranih pravnik su prihvaćene i eventualne anexe ugovora.

- (13) Ugovorom iz stava (12) ovog člana uređuju se prava i obaveze Službe i poslodavca, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 24 mjeseca, obavezu isplate naknada i pripadajućih poreza i doprinosa za zaposlenu osobu, zadržavanje u radnom odnosu isti broj zaposlenika koji je zatečen u periodu od podnošenja zahtjeva do isteka sufinansiranja, obavezu pravdanja pomenutih troškova i dr.
- (14) Rok za realizaciju Programu zapošljavanja diplomiranih pravnika je 28 mjeseci od dana potpisivanja pojedinačnih ugovora iz stava (12) ovog člana, uključujući i eventualne anexe ugovora.

Član 8b.

PROGRAM SUFINANSIRANJA ZAPOŠLJAVANJA OSOBA OSPOSobljenih ZA RAD NA PREVENCIJI MALOLJETNIČKE DELIKVENCije I/ILI ZA RAD SA DJECOM SA POSEBNIM POTREBAMA

- (1) Program sufinansiranja zapošljavanja osoba osposobljenih za rad na prevenciji maloljetničke delikvencije i/ili za rad sa djecom sa posebnim potrebama realizuje se zapošljavanjem visokoobrazovanih stručnih osoba u javne ustanove iz oblasti rada i socijalne politike u Kantonu Sarajevo, kao i u srednje i osnovne škole u Kantonu Sarajevo.
- (2) Cilj Programa sufinansiranja zapošljavanja osoba osposobljenih za rad na prevenciji maloljetničke delikvencije i/ili za rad sa djecom sa posebnim potrebama je obezbjeđenje potrebne kvalifikacione strukture radne snage za preventivno djelovanje i sprečavanje maloljetničke delikvencije.
- (3) Služba će poslodavcima koji budu obuhvaćeni ovim programom, mjesečno, 12 mjeseci, refundirati sredstva u ukupnom iznosu od 800,00 KM, po novouposlenoj osobi, za dio isplate plaća i uplatu zakonom propisanih poreza i doprinosa.
- (4) Javne ustanove iz oblasti rada i socijalne politike, srednje i osnovne škole u Kantonu Sarajevo, a koje žele učestvovati u Programu sufinansiranja zapošljavanja osoba osposobljenih za rad na prevenciji maloljetničke delikvencije i/ili za rad sa djecom sa posebnim potrebama, dužne su:
1. podnijeti aplikaciju u roku predviđenom u javnom pozivu,
 2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korisnik šifra budžetskog korisnika), sve u originalu ili ovjerenoj fotokopiji.
- (5) Poslodavci koji redovno ne izmiruju obaveze uplate javnih prihoda ne mogu učestvovati u Programu sufinansiranja zapošljavanja osoba osposobljenih za rad na prevenciji maloljetničke delikvencije i/ili za rad sa djecom sa posebnim potrebama,

osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanim ugovorima.

- (6) U Programu sufinansiranja zapošljavanja osoba osposobljenih za rad na prevenciji maloljetničke delikvencije i/ili za rad sa djecom sa posebnim potrebama mogu se zaposliti: diplomirani socijalni radnici, diplomirani pedagozi, diplomirani psiholozi, diplomirani socijalni pedagozi i diplomirani pedagozi-psiholozi, VSS – VII stepen stručne spreme, odnosno visoko obrazovanje prvog ili drugog ciklusa (koje se vrednuje sa 180 ili 240 ECTS bodova) Bolonjskog sistema studiranja, a koji imaju najmanje 12 mjeseci radnog iskustva u struci i koji su prijavljeni na evidenciju nezaposlenih Službe, prije objave javnog poziva za Program sufinansiranja zapošljavanja osoba osposobljenih za rad na prevenciji maloljetničke delikvencije i/ili za rad sa djecom sa posebnim potrebama i dalje sve do potpisivanja ugovora o radu sa poslodavcem kojem su odobrena sredstva po ovom programu.
- (7) Prijedlog liste poslodavaca za učešće u ovom programu, na osnovu dostavljene liste od strane Službe biće sačinjen uz saglasnost Ministarstva za obrazovanje, nauku i mlade Kantona Sarajevo i Ministarstva za rad, socijalnu politiku, raseljena lica i izbjeglice Kantona Sarajevo, a cjeneći stvarne pojedinačne potrebe po zanimanjima za svaku školu, odnosno javnu ustanovu.
- (8) Na osnovu prijedloga iz prethodnog stava ovog člana, Služba utvrđuje konačan prijedlog liste poslodavaca za učešće u Programu sufinansiranja zapošljavanja osoba osposobljenih za rad na prevenciji maloljetničke delikvencije i/ili za rad sa djecom sa posebnim potrebama. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe, zaključuje ugovore sa aplikantima čije aplikacije za učešće u Programu sufinansiranja zapošljavanja osoba osposobljenih za rad na prevenciji maloljetničke delikvencije i/ili za rad sa djecom sa posebnim potrebama su prihvaćene i eventualne anexe ugovora.
- (9) Ugovorom iz stava (8) ovog člana uređuju se prava i obaveze Službe i poslodavca, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate naknada i pripadajućih poreza i doprinosa za zaposlenu osobu, toplog obroka i karte za prevoz, obavezu pravdanja pomenutih troškova i dr.
- (10) Rok za realizaciju Programa sufinansiranja zapošljavanja osoba osposobljenih za rad na prevenciji maloljetničke delikvencije i/ili za rad sa djecom sa posebnim potrebama je 18 mjeseci od dana potpisivanja ugovora iz stava (9) ovog člana, uključujući i eventualne anexe ugovora.

Član 8c.

PROGRAM SUFINANSIRANJA ZAPOŠLJAVANJA „ZLATNA ZNAČKA“

- (1) Program sufinansiranja zapošljavanja „Zlatna značka“ (u daljem tekstu: Program „Zlatna značka“), realizuje se zapošljavanjem visokoobrazovanih stručnih osoba kod poslodavaca koji kao svoju osnovnu djelatnost obavljaju naučno-nastavni, odnosno

umjetničko nastavni ili naučno-istraživački, odnosno istraživačko-razvojni rad, a koje su za obavljanje pomenute djelatnosti registrirane na području Kantona Sarajevo.

- (2) Cilj Programa „Zlatna značka“ je novo zapošljavanje i obezbjeđenje potrebne kvalifikacione strukture radne snage.
- (3) U programu „Zlatna značka“ zapošljavaju se nezaposlene visokoobrazovane osobe koje su dobitnici „Zlatne značke“ na visokoškolskim ustanovama registriranim na području Kantona Sarajevo, prijavljena na evidenciju nezaposlenih Službe prije objave javnog poziva za Program „Zlatna značka“ idalje do potpisivanja ugovora o radu sa poslodavcem kojem su odobrena sredstva po ovom programu, a koje do sada nisu bile zapošljavane po ovom programu.
- (4) Programom „Zlatna značka“ će se objaviti dva javna poziva, jedan za poslodavce, a drugi za nezaposlene dobitnike Zlatne značke kako bi Služba po zahtjevima poslodavaca mogla izvršiti posredovanje.
- (5) Služba će poslodavcima koji budu obuhvaćeni ovim programom, mjesečno, u periodu od 12 mjeseci, refundirati sredstva u ukupnom iznosu od 1.300,00 KM po novouposlenoj osobi za isplatu plaća i uplatu zakonom propisanih poreza i doprinosa.
- (6) Poslodavci koji kao svoju osnovnu djelatnost obavljaju naučno-nastavni, odnosno umjetničko nastavni ili naučno-istraživački, odnosno istraživačko-razvojni rad, a žele da učestvuju u Programu „Zlatna značka“ dužne su:
 1. podnijeti aplikaciju u roku predviđenom u javnom pozivu,
 2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korisnik šifra budžetskog korisnika), sve u originalu ili ovjerenoj fotokopiji.
- (7) Poslodavci koji redovno ne izmiruju obaveze uplate javnih prihoda ne mogu učestvovati u Programu „Zlatna značka, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru, kao ni poslodavci koji nemaju radnika prijavljenih na penzijsko-invalidsko osiguranje.
- (8) Kriteriji za vrednovanje aplikacija su:
 1. poslodavci koji zaposlenike traže za naučno-istraživački, odnosno istraživačko-razvojni rad – 4 boda,
 2. poslodavci koji zaposlenike traže za naučno-nastavni, odnosno umjetničko-nastavni rad – 3 boda,

3. poslodavci koji su bili korisnici Programa „Zlatna značka“ i koji su po isteku perioda sufinansiranja zadržali sve ili dio sufinansiranih osoba – 3 boda,
 4. poslodavci koji trenutno nisu korisnici programa sufinansiranja zapošljavanja koje finansira Vlada Federacije Bosne i Hercegovine, Federalni zavod za zapošljavanje i Služba – 2 boda.
- (9) Kod istog broja bodova prednost se daje poslodavcu koji je prije podnio aplikaciju za učešće u ovom programu.
- (10) Vrednovanje aplikacija se vrši na osnovu priložene dokumentacije, u skladu sa kriterijima iz stava (8) ovog člana. Vrednovanje aplikacija vrši Služba, koja utvrđuje i prijedlog liste poslodavaca za učešće u Programu „Zlatna značka“. Prijedlog liste poslodavaca usvaja Vlada Kantona Sarajevo. Nakon što Upravni odbor Službe usvoji predložene liste poslodavaca, direktor Službe, zaključuje ugovore sa aplikantima čije aplikacije za učešće u Programu „Zlatna značka“ su prihvaćene.
- (11) Ugovorom iz stava (10) ovog člana uređuju se prava i obaveze Službe i poslodavca, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate naknada i pripadajućih poreza i doprinosa za zaposlenu osobu, obavezu pravdanja pomenutih troškova i dr.
- (12) Rok za realizaciju Programa „Zlatna značka“ je 18 mjeseci od dana potpisivanja ugovora iz stava (11) ovog člana, uključujući i eventualne anexe ugovora.

Član 8d.

PROGRAM FINANSIRANJA I SUFINANSIRANJA ZAPOŠLJAVANJA OSOBA SA INVALIDITETOM

- (1) Program finansiranja i sufinansiranja zapošljavanja osoba sa invaliditetom (u daljem tekstu: Program zapošljavanja osoba sa invaliditetom), realizuje se finansiranjem ili sufinansiranjem prilagođavanja prostora ili nabavke tehničke opreme u cilju zapošljavanja osoba sa invaliditetom od 60 do 100% invaliditeta, prijavljenih na evidenciju nezaposlenih Službe, prije objavljivanja javnog poziva za ovaj program.
- (2) Cilj Programa zapošljavanja osoba sa invaliditetom je stimulisanje zapošljavanja osoba sa invaliditetom od 60 – 100% invaliditeta.
- (3) Služba će poslodavcima koji budu obuhvaćeni ovim programom, jednokratno, doznačiti sredstva u iznosu od 8.000,00 - 12.000,00 KM po jednoj novouposlenoj osobi sa invaliditetom. Poslodavac je dužan da najkasnije u roku od 3 mjeseca, adaptira ili opremi prostor i zaposli najmanje jednu osobu sa invaliditetom na period od najmanje 12 mjeseci.
- (4) Poslodavci sredstva mogu potraživati za:
 1. kupovinu tehničke opreme ili specijalnih pomagala u skladu sa potrebama opremanja radnog mjesta za osobe sa invaliditetom ili prilagođavanje poslovnih prostorija,
 2. kupovinu sredstava za rad, alata, sirovine i repromaterijala, a što ne uključuje robu široke potrošnje namjenjenu za dalju preprodaju.

- (5) Poslodavci koji već imaju opremljen prostor ili imaju potrebnu tehničku opremu, sredstva mogu potraživati za subvencioniranje dijela ili svih obaveza prema javnim prihodima pri zapošljavanju osoba sa invaliditetom.
- (6) Poslodavci koji žele da učestvuju u Programu zapošljavanja osoba sa invaliditetom, dužni su:
1. podnijeti aplikaciju u roku predviđenom u javnom pozivu,
 2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korisnik šifra budžetskog korisnika), sve u originalu ili ovjerenoj fotokopiji,
 3. priložiti predračun ili ponudu traženih sredstava iz jedne ili više tačaka navedenih u stavu (4) ovog člana sa jasno navedenom strukturom troškova i brojem osoba sa invaliditetom koje će se zaposliti u originalu ili ovjerenoj fotokopiji,
 4. opravdanost predmeta predračuna ili ponude iz prethodne tačke ovog stava, vršit će komisija koju imenuje Ministarstvo za rad, socijalnu politiku, raseljena lica i izbjeglice,
 5. dostaviti izjavu o namjenskom korištenju kreditnih i/ili grant sredstava Federalnog zavoda za zapošljavanje, Službe i ministarstava u Vladi Kanton Sarajevo u originalu, ovjerenu kod općinskog organa uprave ili notara.
- (7) Poslodavci koji redovno ne izmiruju obaveze uplate javnih prihoda ne mogu učestvovati u Programu zapošljavanja osoba sa invaliditetom, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru, kao ni poslodavci koji nemaju radnika prijavljenih na penzijsko-invalidsko osiguranje.
- (8) U Programu zapošljavanja osoba sa invaliditetom ne mogu učestvovati:
1. poslodavci koji redovno ne izmiruju obaveze uplate javnih prihoda, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru,
 2. poslodavci koji nemaju radnika prijavljenih na penzijsko – invalidsko osiguranje,
 3. poslodavci koji su koristili kreditna i/ili grant sredstva Federalnog zavoda za zapošljavanje, Službe i ministarstava u Vladi Kantona Sarajevo, a nisu ispoštovali obaveze u skladu sa zaključenim ugovorima,
 4. poslodavci koji su koristili sredstva za sufinansiranje zapošljavanja po bilo kojem programu u prethodne tri godine, a nisu zadržali bar 50% sufinansiranih osoba u stalnom radnom odnosu po okončanju perioda sufinansiranja.

(9) Kriteriji za vrednovanje aplikacija su:

1. djelatnost poslodavca: proizvodna, IT i turistička - 4 boda, ostale djelatnosti – 2 boda,
2. poslodavci koji potražuju: osobu sa invaliditetom od 60 – 80% invaliditeta – 2 boda, osobu sa invaliditetom preko 80% invaliditeta – 4 boda,
3. poslodavci sa trenutnim brojem zaposlenih: do 10 osoba – 1 bod, od 11 do 30 osoba – 2 boda, od 31 do 50 osoba – 3 boda i preko 50 osoba – 4 boda,
4. poslodavci kod kojih je došlo do povećanja broja zaposlenih u odnosu na prethodni program sufinansiranja zapošljavanja koji su koristili, a koji je okončan – 3 boda,
5. poslodavci koji trenutno nisu korisnici programa sufinansiranja zapošljavanja koje finansira Vlada Federacije Bosne i Hercegovine, Federalni zavod za zapošljavanje i Služba – 3 boda.

(10) U slučaju da nakon vrednovanja aplikacija, dva ili više poslodavaca imaju jednak broj bodova, prednost ima poslodavac sa većim brojem zaposlenih, a ako imaju jednak broj zaposlenih onda prednost ima poslodavac koji zapošljava osobu sa većim procentom invaliditeta, a ako zapošljavaju osobe sa istim procentom invaliditeta, onda prednost ima poslodavac iz proizvodne i turističke djelatnosti.

(11) Poslodavci korisnici Programa zapošljavanja osoba sa invaliditetom dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika, a do okončanja ugovora o sufinansiranju.

(12) Nezaposlene osobe sa invaliditetom koje žele da učestvuju u Programu zapošljavanja osoba sa invaliditetom, moraju biti prijavljene na evidenciju nezaposlenih Službe, prije objave javnog poziva za Programu zapošljavanja osoba sa invaliditetom i dalje sve do potpisivanja ugovora o radu sa poslodavcem kojem su odobrena sredstva po ovom programu.

(13) Vrednovanje aplikacija se vrši na osnovu utvrđenih kriterija u ovom članu i utvrđuje se prijedlog liste poslodavaca za učešće u Programu zapošljavanja osoba sa invaliditetom. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu zapošljavanja osoba sa invaliditetom su prihvaćene i eventualne anexe ugovora.“

(14) Ugovorom iz stava (12) ovog člana, uređuju se međusobna prava i obaveze Službe i poslodavca, pravo poslodavca za izbor nezaposlene osobe sa invaliditetom i obavezu zaključivanja ugovora o radu sa punim radnim vremenom na period od najmanje 12 mjeseci, pravdanje doznačenih sredstava, obavezu isplate plaća i pripadajućih poreza i doprinosa za zaposlenu osobu, zadržavanje u radnom odnosu isti broj zaposlenika koji je zatečen u periodu od podnošenja zahtjeva, uvećan za broj sufinansiranih osoba, obavezu pravdanja pomenutih troškova i dr.

(15) Za izvršenje i obezbjeđenje ugovora iz stava (13) ovog člana, poslodavci su obavezni dostaviti Službi bezuslovnu bankarsku garanciju na odobreni iznos sredstava od strane Službe, u roku od 30 dana od dana potpisivanja ugovora. Sredstva iz ovog programa će se isplaćivati nakon dostave navedene bankovne garancije.

- (16) Rok za realizaciju Programu zapošljavanja osoba sa invaliditetom je 20 mjeseci od dana potpisivanja pojedinačnih ugovora iz stava (13) ovog člana, uključujući i eventualne anexe ugovora.

Član 8e.

PROGRAM OBUKE NEZAPOSLENIH OSOBA ZA SAMOZAPOŠLJAVANJE

- (1) Program obuke nezaposlenih osoba za samozapošljavanje (u daljem tekstu: Program obuke), realizuje se obukom nezaposlenih osoba za preduzetništvo, obukom nezaposlenih osoba iz marketinga i obukom nezaposlenih osoba iz računovodstva kod ovlaštenog izvođača obuke u trajanju od najmanje 40 časova po jednom Programu obuke.
- (2) Cilj Programa obuke je preorijentacija zbog tehničko-tehnoloških unapređenja ili ekonomsko strukturalnih promjena na tržištu rada.
- (3) Pravo učešća u Programu obuke imaju nezaposlene osobe prijavljene na evidenciju nezaposlenih Službe, prije objave javnog poziva za ovaj program.
- (4) Nezaposlene osobe iz ciljne kategorije koje žele da učestvuju u Programu obuke, dužne su:
 1. podnijeti aplikaciju u roku predviđenom u javnom pozivu,
 2. uz aplikaciju priložiti: dokaz da pripadaju određenoj kategoriji nezaposlenih osoba koje imaju prednost za učešće u ovom programu, sve u originalu ili ovjerenoj fotokopiji.
- (5) Kriteriji za vrednovanje aplikacija:
 1. vrijeme provedeno na evidenciji nezaposlenih: do 12 mjeseci - 1 bod, od 12 do 24 mjeseca - 3 boda, od 24 do 36 mjeseci – 5 bodova i preko 36 mjeseci – 8 bodova.
 2. godine života: do 30 godina – 3 boda, preko 30 godina – 1 bod,
 3. osobe sa statusom člana domaćinstva u kome ni jedan član nije zaposlen (kućna lista sa Izjavom da ni jedan član nije zaposlen): 2 boda,
 4. osobe iz savjetodavnog procesa, a koje imaju individualni plan zapošljavanja sačinjen od strane savjetodavca u birou – 2 boda,
 5. osobe koje su u prethodnom periodu imale registrovanu samostalnu djelatnost – 3 boda.
- (6) Kod istog broja bodova, prednost se daje nezaposlenoj osobi koja je duže na evidenciji nezaposlenih Službe.
- (7) Vrednovanje aplikacija se vrši na osnovu utvrđenih kriterija u ovom članu i utvrđuje se prijedlog liste nezaposlenih osoba za učešće u Programu obuke. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste nezaposlenih osoba, direktor Službe zaključuje ugovore sa aplikantima čije aplikacije za učešće u Programu zapošljavanja obuke su prihvaćene.
- (8) Ugovorom iz stava (7) uređuju se prava i obaveze Službe i nezaposlenih osoba iz ciljne skupine.

- (9) Rok za realizaciju Programa obuke je 3 mjeseca od dana izbora izvođača obuke, a isti će biti izabran u skladu sa zakonom propisanim procedurama.
- (10) Izvođač obuke nezaposlenih osoba za samozapošljavanje, morat će imati saglasnost Ministarstva za obrazovanje, nauku i mlade Kantona Sarajevo na predloženi plan i program obuke, predračun troškova i elaborat o opravdanosti obuke.“

Član 8.

U članu 9., stav (3) mjenja se i glasi:
„Vlada Kantona Sarajevo, nadležna je da:

1. usvaja liste poslodavaca/nezaposlenih osoba koji ispunjavaju uslove za učešće u pojedinačnim podsticajnim mjerama ovog Programa,
2. usvaja liste poslodavaca/nezaposlenih osoba koji ne ispunjavaju uslove za učešće u pojedinačnim podsticajnim mjerama ovog Programa.“

Član 9.

U članu 9.,stav (4) mjenja se i glasi:

„Upravni odbor Službe, nadležan je da:

1. odobrava uključivanja nezaposlenih osoba/poslodavaca u realizaciju ovog programa koji su sljedeći na Listi nezaposlenih osoba/poslodavaca koji će realizirati program – ukoliko prethodni sa Liste odustane,
2. vrši izmjenu i dopunu ugovora o finansiranju/sufinansiranju ukoliko nezaposlena osoba/poslodavac, odustane od učešća u ovom programu, odnosno potpisuje anexe ugovora o finansiranju/sufinansiranju.“



PREMIJER

Elmedin Konaković

Dostaviti:

1. Predsjedavajuća Skupštine Kantona Sarajevo
2. Premijer Kantona Sarajevo
3. Ministarstvo za rad, socijalnu politiku, raseljena lica i izbjeglice Kantona Sarajevo
4. Ministarstvo privrede Kantona Sarajevo
5. Javna ustanova „Služba za zapošljavanje Kantona Sarajevo“ Sarajevo (putem Ministarstva za rad, socijalnu politiku, raseljena lica i izbjeglice Kantona Sarajevo)
6. Evidencija
7. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

